

中華文史叢書之九十
清・光緒刊本影印
王有立主編

八旗文經

(一)

楊鍾義撰

華文書局股份有限公司印行



中華文史叢書之九十
清・光緒刊本影印
王有立主編

八旗文經

(二)

楊鍾義撰

華文書局股份有限公司印行



中華文史叢書之九十
清・光緒刊本影印
王有立主編

八旗文經

(三)

楊鍾義撰

華文書局股份有限公司印行



中華民國五十八年五月初版

中華文史叢書

(第十一輯六種
精裝十二冊)

售價：

國內：新台幣三千二百元
國外：美金八十元

主編者：王

有

立

發行人：薛

頌

留

發行所：華文書局股份有限公司

台北市南昌街一段七十二號
電話：三六二六三五號

印刷者：華文書局股份有限公司

台北市南昌街一段七十二號
電話：三六二六三五號

版權所有

內政部登記證內版合業字第一五四六號

八旗文經五十
六卷作者攷三
卷叙錄一卷

卷緒辛丑煉八戸刊于
卷昌防潛潜端与署檢

八旗文經卷第一

賦甲

成哲親王鬬鹿賦

成哲親王四松賦

成哲親王南苑雙柳樹賦

成德金山賦

成德五色蝴蝶賦

成德雨霽賦

揆敘刻漏賦

達禮華山賦

鬬鹿賦

成哲親王

援神經以體物驗金方之瑞獸文斑斑以素其質皎皎以細
紉蹶四蹄而交蹤角雙歧而戴脰狎斑龍於中林散瑤光於
崇岫採仙蒲而向溫結遐齡而游囿稟馴性而無猜紛和聲
而相就感清商之激揚始求塵而肆鬪於時蕭蕭漠野寥寥
素旻寒風晝厲白露宵淪上蘭結凍榆塞澄氛貔虎闕其攫
搏雕鶚迅其騰騫同摯猛於秋肅變訢閤於春溫矧麇麇之
感氣別庶類而爲羣邂逅乎林麓衝突乎陵原其始也負蒼
巖兮牝聚倡長哨兮音通恃彊梁而挾耦惡鬻索而寡從旣
矜多而妒眾又攘敵以興戎其繼也捷蹶交進挺角相攻刻
戈矗頂堅鉞剗胸憤雄心而赴構鋌猛骨而伐同蔑情親於
舊侶銳矜昔於新耳則有莽莽奔驅囂囂震駭或憑怒而無
前或宿忿而有待或側勢而偏乘或迂途而巧給或驟捷而

心憐或小挫而氣倍傑倬譬厲趨踰跨轡轡趨趨布濩蹕
躡何竭何盈甚矣其憫軒峰轅谷撼亂崖嶠翊觚橫縱震電
揮霍鳥讐休巢狸惕屏壑於是摧濯濯折嶽嶽跂足暨斑毛
剝戰勝者昂藏亾羣者落漠填餘勇而未休振威稜而復作
天地網緼萬物化醕凡有血氣皆有爭心嘅觸藩之柔毳閔
介羽之翰音苟婚媾而匪寇何干戈而日尋徐女美以歸楚
夏姬佚以適申儼烝人而尙鬪孰品物而能任諒同求而異
志亦何惑乎紛紜

聖皇乃建鳳旆鳴龍騶觀畚廣野講武涼秋發軔薊北弭節
興州睇中原之慶慶聆閒館之呦呦研瑰形以精繹揚麗藻
以冥搜偉休符而肆應綜大化而咸周

四松賦

成哲親王

翳古興州奧區神皋厥土沃厚厥木惟喬旣爲堅以多節實
積小以崇高辨陰陽於衡鹿筮動躍於元苞稟畢方之精氣
鬱嘉榦與豐條龍蔥乎羣木之會偉貞松之特超 山莊今
崔巍神靈兮實棲峰岑合沓兮間礪川泉漾衍兮淪漪靈臺
建其中極增盤繚其四維皇子讀書之館 行宮正殿之西
余六齡而侍從爰出塞而至斯覽四松之稚植日周旋而弄
之其時也纖柯細枝脆質絲理抽蕤上茸攢鍼旁靡堅瓊抵
根柔苞難子挺不盈尋剪不能咫寒蟬集而弗勝珍禽飛而
弗止念日月之方長茲愛惜之惟始霧靈厓巖之峻嶺廣礪
澔泔之長川涼飈戢鱗於漠壑曾冰漸軸於塞垣其委脫也
先洞庭之落木其發榮也後河陽之滿園雖復拒格之素髓

徂徠之蒼顏滎陽之石室僕骨之康干並金石以永固猶動
色而淒然若夫大椿榮而萬春豫章擢而千仞櫟梧華而百
合扶桑甚而五寸桂載魄而恆舒榆輝躔而鮮實亦有感朔
月之朝菌哀暮日之秋葬仰洪覆其回回甄萬殊其隱隱亶
修短其靡常綜豐悴以爲之運天長地久風去雨迴暖清燼
謝貞元閉開維彼大木尙其風頽維此小樹慨其式微一耆
之難況其四哉忽忽三十歲每歲余一來乃復蟠株沈精森
梢顯特積魚甲而螭蟬軒孔鬣而鸞襲捎翠霧而含霏搏元
雲而迴色或圍而輪囷或挺而正直或支而衡縱或偃而仄
側拔發育以軼倫振紀林以標德思幼儀之植學年旣壯而
迫強靈華秀之何益緬材實之懼忘嘉柯葉之不改逮旅力
之方剛重曰懿茲四松鬱山莊兮亶亶雨澤彌雪霜兮大矣

覆幬品物咸章兮

南苑雙柳樹賦

成哲親王

伊南苑之閒敞，扇青春之和風。盼長林之菀茂，攬碧草之龍葱。有楊柳之雙樹，乃比影而聯蹤。根株盤互，枝葉齊同。扶疏並對，俯仰爲容。惟萬木之嘉植，此樹生而最工。爾乃曼曼平原，悠悠清水。襟柯交蔭，時葩錯綺。朱橋七十二區，周牆百六十里。徒觀其弱幹柔荑，婀娜迷離。若威施抗舞，翳修桂枯枝。豐節槎枒，嶸嶸若綺皓。從游張上席，偕榮共淑兮。藹如紫鳳求丹鳳，交暉接翠兮。灼如江南雨，明璫若夫飛絮悠揚，繁絲歷亂。梁王忘憂之館，京兆章臺之畔。願長康一葉欣然，劉惔之數株初獻。孰與君攜我兮，翔翔我從君兮。繾綣長條，碧沼

茂蔭通衢會稽盛子之門內渤海高公之里嵇叔夜之鍛
竈方設應德璠之雲蓋常敷曷若我從君兮結帶君攜我兮
執袪至其流火宵落潦水晨涸淒清於袁紹官渡散漫於單
于城郭思革子琴操幽憂顧悅之澤蒲蕭索孰與君攜我兮
夷猶我從君兮綽約北陸旣屆萌陽未旋望豫章而山上步
東門而道邊王敬則之問樹情極桓元子之攀枝泣然曷若
我從君兮隨踵君攜我兮比肩是以日無偏照風不分吹雨
露伉儷煙霞繫維依依玉映對對金垂鶯囀今月古月鷗識
新枝舊枝嗟人生之多虞紛婉孌其何多逝晏晏之歡樂忽
睽衰而則那山岑巒以重阻川縱橫以狂波哀芳菲之已舊
雖寒陰而靡他彼其賁隅之八桂暉陽之孤桐蒲圃之六檟
華林之三楓枝連理而非異花竝蒂而何榮爾其陶翠甸緣

清潯縹駿馬停朱輪坐白石襲華茵覽此雙樹嘉茲仲春抗
叢薄而軼秀蔚上林而蘊眞願歲月之千禩若鴈鳩之一心
爰抽毫而作賦尙興感於斯人

金山賦

成德

粵良兌之涵峙躋覆載之殊觀矧金山之靈秀矗砥柱於波
瀾踞南徐之京口對瓜步之江干焦嶼東浮則抹微雲而似
髻石帆西漾則奄輕靄而如鬟爾其爲山也形惟特立勢若
凌空巖巘砌雲而磊砢洞穴激浪而玲瓏珍卉含葩而笑露
虬枝接葉而吟風芝英翕艷蘭葢青葱仙杏敷霞以弄色江
梅吐玉以舒容青鳥揚音於修竹天雞耀羽於芳叢上棲鶴
鷗之危巢下潛鬣鬣之幽宮其中則有紺宇櫺比丹樓鱗集

高臺崔巍而孤聳虛亭宏敞而雙立登殿則絢爛丹青瞻像則輝煌金碧周廊廡於山根俯簷楹於水側鏤珉石以爲闌飾椒泥而成壁亘宇宙之古今歷乾坤之闔闢陽侯盪之而不動蜚廉鼓之而不仄遠而望之疑蜃氣之接銀樓近而卽之恍鮫人之開綃室時而煙霏霧凝則水天杳冥不辨靈仙之宅惟聞鐘磬之聲時而雲開日霽則景色澄麗兩岸之間可晰鰲峰之毫髮百里之外能窺貝闕之參差或當秋月如練金波潏灩則山閣晶瑩若冰壺之濯桂殿也或當雪密寒江林巒玉裝則浮圖倒景若玻瓈之湧寶幢也曾聞韻士至此相羊亦有名流於焉寄賞蘇子瞻留玉帶於山門滕元發乘扁舟而破浪賢如鴻漸漫云洌井在盤渦智若景純何事棲神於浩蕩以山僻在東南孤懸沆漭故爲軒駕之所弗游

虞巡之所未上今

皇帝膺寶籙攬乾綱軼義農跨陶唐武功誕著文德丕彰兼
總六合并包八荒勲高乎千古道冠乎百王賜粟帛於庶老
蠲田賦於萬邦河海清晏中外樂康以嶽鎮爲苑囿以溟澥
爲池隍爰稽自古巡狩之典諏吉上元甲子之辰命屏翳先
驅而灑道使箕伯揮扇而清塵肅天駟王良之萬騎戒羽林
列宿之千屯飈馳玉軼雷動金根旌旗蔽雲日鼓吹咽山林
天子乃升泰岱越徐揚逾淮泗渡長江汎樓船於中流遂登
茲山駐蹕而騁望焉於是南眺江路百川爭赴始汗漫於巴
梁恣汪洋於荆楚北睠海門萬壑競奔吐潮汐而不息注扶
桑而無垠乃眷西顧泮渙邛溝寶京坻於天庾宣漕運之咽
喉左睇丹徒襟江帶湖驚百越之商賈輳三吳之舳艫是日

也 皇情旣暢 天顏有喜爰親展 宸翰麾毫陟釐星流
電激龍翔鳳翥笑漢帝章草之弗工陋唐宗飛白之無勢事
題以江天一覽永寵光於山寺某以小臣幸得備虎賁之執
戟隸宿衛於鉤陳雖不敢追蹤於風后力牧陪游襄城姑射
之盛庶竊比跡於相如揚雄扈從上林甘泉之倫也因逡巡
匍匐於帳殿之下謹再拜手稽首而獻頌曰

聖德備矣巡萬方鸞旂羽葆紛蔽江蛟龍爲駕鼉鼉梁陟彼
金山瞰大荒朝宗碧海波不揚雕題窮髮盡來王帶礪江山
歷服長南巡游豫歲爲常億萬斯年樂未央

五色蝴蝶賦

成德

夫惟昆蟲之羽化兮儼離俗而登仙矧綵翼之有斐兮備文